

Papia 3 Jon da Mandagit

But piso gen

2 Jonon mandagit unuden gin on papia mandagit amin da iyi do 'kila amin' kinda yan yosok. Amin morapmi da Jon Yesu dakon panjet kinda da mandagit yan nandan.

Jon da papia on kila amin kinda mani Gaius unun do mandagit. Gaius dakon man awigigit, nido Yesu yolyol amin diwari panpulugagit. Ae amin kinda mani Diotrepes unun kan kimotjak do iyigit, nido Diotrepes da Yesu dakon gen bin tagisi yogok amin yolban kiwit. (Gagi 9-10 do koki.)

Pinjkop dakon pi amin panpulugoneh

¹ Nak panmuwukbi dakon kila amin da notnosi Gaius gak do papia on mandan gamisat. Nak asisi gak do but dasi galak tan gamisat.

² Not giman, wupgo tagisi tosok, unuden gin yo morap asal unun abi tagisi noman toni, ae giptingo yo kisi tagisi tosak yan do bisit asat.

³ Panmuwukbi notnin di da abin gak da gen bami abidan kimagek egisal unun dakon geni nayinba but galak madepsi nandagim.

⁴ Nak dakon minjat monjiyono gen bami yolgan dakon geni nandisat bisapmon kisik kisik diwari nandisat unun yapmanek kisik kisik madepsi nandisat.

Gaius pi tagisi agit

⁵ Not giman, gak but dasi nandanek panmuwukbi not panpulugosol. Ae dima nandan yomisal, mani yum pindagek panpulugosol, do gak pi tagisi kindan nan asal.

⁶ Diwari da on panmuwukbi kabikon abin gak da amin do but dasi galak tan yomisal unun dakon geni yanba nandagiman. Gepman degek kik do ani bisapmon Pin kop da nandisak unun da aripmon panpulugok abi.

⁷ Yesu dakon pi ak do nandanek kin pi unun anek Pin kop dima nandan iman amin kabikon panpulugok di dima timikgan.

⁸ Nin Pin kop dakon pi amin unuden panpulugone kan tagisi. Yan anek kan do nin unun gat pi kalonin anek Pin kop dakon gen bami jonitnen.

Diotrepes anpak yokwi agit

⁹ Nak gen diwari panmuwukbi do kili mandagim, mani Diotrepes unun mibiltok amini egip do nandisak, do nin dakon gen dima nandisak.

¹⁰ Yando, opben kan anpak asak unun do yan kwok aben. Unun nin do yanba yok anek gen yokwi mibili mibili yosok. Ae Yesu dakon pi amin yutnikon dima pan kisak. Ae unun gin dima, panmuwukbi da pi amin iyi da yutnon pan kik do aba yansop anyomisak. Ae panmuwukbi kabi da wan ga egipni do yoldak.

Demitius anpak tagisi agit

¹¹ Not gimano Gaius, anpak yokwi dima yolek abi, anpak tagisi ban yolek abi. Amin kindan anpak

tagi asak unun Pin kop dakon amin. Mani amin kında anpak yokwi asak unun Pin kop dıma kanbi.

¹² Amin kisi da Demitius dakon anpak tagisi unun do yon. Ae Pin kop dakon gen bami ununyo kisi anpakni tagisi unun da antenten asak. Ninyo kisi anpakni tagisi unun do yoman. Disi nandan, gen unun bamisi yoman.

Kıla amin da Gaius kok do nandagit

¹³ Gen morapmi ton, mani papiakon mandak do dıma nandısat.

¹⁴ Abın gandabo gen yan nandat anden kan, tagisi yan nandısat.

¹⁵ But yawot gagon tosak. Notgoni idon ekwaman unun da gıldat tagi yan gayan. Notnoni unudon ekwan amin kalon kalon manikon da gıldat tagi yan yoyın yoyın aki.

PIN^KOP GEN
The New Testament and Psalms in the Yopno Language
of Papua New Guinea
Nupela Testamen na Buk Song long tokples Yopno long
Niugini

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

PDF generated using Haiola and XeLaTeX on 18 Apr 2025 from source files dated 31 Aug 2023

b683ce50-d820-5bfc-8471-d8ee080be106